

مساء الخير

أنا اندعيت شارك اليوم بذكرى الحرب، بالوقت ذاتو بما تبقى من جروح الحرب.فكرت كثير قبل ما شارك، حاسس وكأنو السياسيين خايفين يجو لهون أو ما بدهون. أنا جيت لأنني انخطفت بالحرب ويعرف شو معناتا للأهل انو ما يرجعلهمون ابنهون هلي انخطف او انفق. نحنا منتأمل مثل انو مثل ما عم نجرب نبني بهالمدينة وجه حضاري يكون هالتجمع ظاهرة حضارية جديدة ما بتبغي لا الانتقام ولا الحقد بس تبغي انو تعرف الحقيقة. وتقدر تسترجع ما يسمى بها الذكرى الحقيقية للناس يلي انفقوا .صرخة أخرى بطلقها كشاب سرقت شبابو الحرب انو تكون درجة الوعي عند كل يلي تأثروا بالحرب تا يرجعوا ينشروا عدم الحرب نظرية جديدة بلبنان نظرية عدم الحرب وحجم الخسارة من الحرب مباشرة أو غير مباشرة. في صور ورايبي أنا بعرفون أنا متلكون خسرت أحباء بالحرب وفقدت ناس قريبين جدا مني فانا بتأمل بهالثلاث دقائق نكون وصلنا صرخة كبيرة لهاللي عم يسمع وهاللي خايف ما يخاف لأنو هيدي الحقيقة حقيقة أهالي، حقيقة مشاعر وأنا عا وجوهكون شايف حزن مش شايف لا غضب ولا شايف انتقام. منتأمل يساعدونا الكل لإقبال هذا الملف الحزين بفرح جديد وقيامه للبنان الحضاري المشروع الإنساني.

دميانوس قطار